



ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՀԱՆԳՆԵՐՈՒ ԱՐԵՄՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: info@westernprelacy.org Website: www.westernprelacy.org



ԱՌԱՋՆՈՐԴ ՍՐԲԱՉԱՆԸ ԸՆԴՈՒՆԵՑ ՀԱՅԱՍՏԱՆԻ ՄՕՏ ՄԱԿ-Ի ՆԵՐԿԱՅԱՑՈՒՑԻՉԻՆ ԱՅՑԵԼՈՒԹԻՒՆԸ

Նախօրօք ճշդուած ժամադրութեան մը հիմամբ, Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեան Չորեքշաբթի, 4 Մայիսի յետմիջօրէին ընդունեց այցելութիւնը Հայաստանի մօտ ՄԱԿի ներկայացուցիչ Տաֆինա Կարչեւայի եւ անոր գլխաւոր խորհրդական Արմէն Բայպուրթեանի: Անոնց կ'ընկերանային Հայ Ամերիկեան Առեւտուրի Ընկերակցութեան փոխ նախագահ Երուանդ Արճոյեան եւ այցելութեան համակարգումի պատասխանատու Խաչատուր Խուտիկեան:

Հանդիպումին ներկայ եղան Հոգշ. Տ. Պարթեւ Կրդ. Կիւլիմեան, Ազգ. Կեդրոնական Վարչութեան անդամներէն Տիար Վահէ Եագուպեան, Ազգ. Վարչութեան ատենապետ Տիկին Ռիմա Պողոսեան եւ փոխ ատենապետ Տիար Ճորճ Զօրպաճեան:

Առաջնորդ Սրբազանը ողջունեց յարգելի հիւրերը եւ ընդհանուր ծանօթութիւններ տուաւ Ազգ. Առաջնորդարանի առաքելութեան ու աշխատանքի դաշտերուն մասին, նկատի ունենալով յատկապէս մեր եկեղեցիներն ու ազգային վարժարաններու գործունեութիւնը: Փոխադարձաբար, ՄԱԿի պաշտօնատարները տեղեկութիւններ տուին Հայաստանի մէջ միջազգային կազմակերպութեան գործունեութեան եւ պետական ու եկեղեցական շրջանակներու հետ գործակցութեան դաշտերուն մասին: Խորհրդակցութիւնները ընդգրկեցին Հայաստանի տնտեսական, ընկերային ու մշակութային կեանքերը եւ անոնց զարգացման մէջ ՄԱԿի կատարած ներդրումը: Ծանօթութիւններ ու տեսակետներ փոխանակուեցան նաեւ Սփիւռքին կողմէ Հայաստանի տրամադրուող օժանդակութեանց մասին, այն նկատառումով, որ անհատներ թէ հաստատութիւններ կրնան ՄԱԿի ճամբով օժանդակութիւն տրամադրել Հայաստանին:

Ի պատասխան ՄԱԿի ներկայացուցիչին հարցումներուն, Առաջնորդ Սրբազանն ու ներկայ հիւրընկալները ընդհանուր գիծերու մէջ ծանօթութիւններ տուին յատկապէս Միացեալ Նահանգներու հայկական գաղութի կազմաւորման հոլովոյթին մասին, իբրեւ հետեւանք՝ Օսմանեան կայսրութեան հալածանքներուն, Յեղասպանութեան, եւ անոնցմէ խուսափելով՝ այս ափերը դիմողներու ալիքներուն: Անոնք կանգ առին իրերայաջորդ սերունդներու ազգային պատկանելիութեան զգացումին, ու ի

մասնաւորի՝ Ֆրեզնոյի հայկական գաղութի իւրայատկութեան վրայ, նշելով, որ շրջանը, ըլլալով երկրագործական գօտի, կրնայ կարելոր ներդրում ունենալ Յայաստանի զարգացման աշխատանքներուն մէջ:

Հանդիպումի աւարտին, Առաջնորդ Սրբազանը յուշանուէրներ յանձնեց յարգելի հիւրերուն:

PRELATE WELCOMES UNITED NATIONS RESIDENT COORDINATOR DAFINA GERCHEVA

On Wednesday, May 4th, 2011, H.E. Archbishop Moushegh Mardirossian, Prelate, welcomed to the Prelacy United Nations Resident Coordinator Ms. Dafina Gercheva and Senior Advisor Mr. Armen Baibourtian. They were accompanied by Armenian American Chamber of Commerce Vice-President Mr. Yervand Arjohan, and Mr. Khatchadour Khoodigian, who had coordinated the visit.

Very Rev. Fr. Barthev Gulumian, Central Executive member Mr. Vahe Yacoubian, Executive Council Chair Mrs. Rima Boghossian, and Executive Council Vice-Chair Mr. George Chorbajian participated in the meeting.

The Prelate gave a general overview of the Prelacy's endeavors and mission, focusing specifically on our churches and schools. The guests reported on the endeavors of international organizations operating in Armenia and also on United Nations development programs aimed at improving Armenia's financial and social sectors. There was also discussion on Diaspora assistance to Armenia and how individuals and organizations can aid Armenia through the United Nations.

In response to questions from the guests on Armenian communities in America, the Prelate and Council members spoke of persecution by the Ottoman Empire and the subsequent Genocide as the primary reason for emigration of Armenians to America. They also noted that the Armenian community of Fresno can play an important role in the development of Armenia since they live in a largely agricultural area and have unique experiences that other communities may not.

At the conclusion of their meeting, the Prelate presented the guests with mementos.